

ՀԱՆՐԱՅԻՆ ՊԱՇՏՊԱՆՈՒԹՅԱՆ ԵՐԿԱՄՅԱ ԶԱՐԳԱՑՄԱՆ ԾՐԱԳԻՐ

ՆԵՐԱԾՈՒԹՅՈՒՆ

Հանրային պաշտպանության երկամյա զարգացման ծրագիրը (**այսուհետ՝ նաև Ծրագիր**) ռազմավարական փաստաթուղթ է, որը սահմանում է 2024-2025 թվականների հանրային պաշտպանության զարգացման հիմնական ուղղությունները: Ծրագիրն ուղղված է հանրային պաշտպանությունն ապահովելու համար լրացուցիչ միջոցներ և գործիքներ ներգրավելու, ինչպես նաև գործող գործիքակազմը արդյունավետ օգտագործելու միջոցով հանրային պաշտպանության ինստիտուտի զարգացմանը: Ծրագիրը մեկ ամբողջական փաստաթուղթ է, որի նպատակներն ու խնդիրներն են.

- «Փաստաբանության մասին» օրենքի 41-րդ հոդվածով սահմանված խմբերի անձանց ժամանակին և պատշաճ անվճար իրավաբանական օգնության տրամադրումը.
- տրամադրվող իրավաբանական օգնության որակի շարունակական բարձրացումը.
- ՀՀ փաստաբանների պալատի հանրային պաշտպանի գրասենյակի ծանրաբեռնվածության մեղմացումը.
- հանրային պաշտպանների հաստիքների ավելացման համար անհրաժեշտ միջոցների ձեռնարկումը.
- նյութատեխնիկական միջոցների թարմացումը և զարգացումը.
- գրասենյակի պահուստային ֆոնդում միջոցների ներգրավումը:

Ծրագրի հիմքում դրվում են հետևյալ հիմնական սկզբունքները՝

ա) իրափեսություն (առաջադրված նպատակների և խնդիրների իրականացման բավարար հիմնավորումների առկայություն),

բ) գնահատելիություն (կատարման արդյունքների գնահատման հնարավորություն),

գ) համահունչություն (ծրագրի առանձին կետերի միջև պարզառահեղանքային կապի, ծրագրի ընդհանուր տրամաբանական ընթացքի առկայություն):

Ծրագրի հիմքում կարող են դրվել նաև այլ, սակայն նշված սկզբունքներին չհակասող սկզբունքներ:

ԶԱՐԳԱՑՄԱՆ ՈՒՂՂՈՒԹՅՈՒՆՆԵՐԸ

1. Գրասենյակի աշխատանքի արդյունավետության բարձրացում.

Ժամանակի ռացիոնալ կառավարման համար պետական և տեղական ինքնակառավարման մարմինների, ինչպես նաև այլ կազմակերպությունների հետ էլեկտրոնային փաստաթղթաշրջանառության ծավալի ավելացման միջոցով, ինչպես նաև գործող էլեկտրոնային հանրային պաշտպան ծրագրի կատարելագործում:

Գրասենյակի աշխատանքի արդյունավետության բարձրացմանը նպաստող հաջորդ կարևոր գործոնը դա ներքին հսկողության համակարգի կատարելագործումն է, ինչը ենթադրում է հանրային պաշտպանությունն իրականացնող անձանց կողմից տրամադրվող իրավաբանական օգնության գործընթացի նկատմամբ հսկողության և վերահսկողության գործող մեխանիզմների կատարելագործում, մասնավորապես էլեկտրոնային հանրային պաշտպանի ծրագրում նոր գործիքների ներդրում, որը հնարավորություն կտա համաժամյա ռեժիմում ուսումնասիրել հանրային պաշտպանի աշխատանքը:

Գրասենյակի աշխատանքի արդյունավետության գործում կարևոր նշանակություն կարող է ունենալ նաև նյութատեխնիկական միջոցների թարմացումը և զարգացումը: Գրասենյակը ժամանակակից նյութատեխնիկական միջոցներով զինելը հնարավորություն կտա հանրային պաշտպանների աշխատաժամանակը կրճատել, որպիսի կարիքն այս պահին

հատկապես ընդգծվում է մարզային նստավայրերում: Նշված նպատակի իրագործումը հնարավոր է իրականացնել ինչպես նյութատեխնիկական միջոցների ձեռքբերմամբ այնպես էլ համապատասխան ծրագրային ցանցային լուծումների միջոցով:

2. Գրասենյակի պահուստային ֆոնդում միջոցների ներգրավում.

Հանրային պաշտպանության զարգացման որպես օժանդակ ուղղություն կարող է դիտարկվել նաև անվճար իրավաբանական օգնություն տրամադրող անձանց ռեսուրսը:

Տվյալ ռեսուրսների համալրմանը կարող է նպաստել նաև Գրասենյակի պահուստային ֆոնդում ֆինանսական միջոցների ներգրավումը:

Ֆոնդում միջոցների ներգրավման առանցքային աղբյուր կարող է հանդիսանալ միջազգային կազմակերպությունների կողմից իրականացվող թիրախային ծրագրերը:

3. Մարզային նստավայրերի ավելացում և հասանելիության ապահովում.

Նպատակահարմար է Հանրային պաշտպանի գրասենյակի մարզային նստավայրերը ավելացնել՝ հանրության շրջանում անվճար իրավաբանական օգնության հնարավորինս լայն հասանելիության ապահովման համար:

Հանրային պաշտպանության շահառուների շրջանում, իրականացնել անվճար իրավաբանական օգնության հասանելիության վերաբերյալ իրազեկման աշխատանքներ:

Իրազեկման աշխատանքները անհրաժեշտ է իրականացնել նաև ըստ թիրախային խմբերի պայմանավորված իրավական խնդիրներով:

4. Կադրային քաղաքականության կատարելագործմանն ուղղված միջոցառումներ.

Նշված նպատակի իրականացման համար անհրաժեշտ է իրականացնել կադրերի թիրախային լրացուցիչ վերապատրաստումներ, սեմինար քննարկումների միջոցով:

Կադրային քաղաքականության կատարելագործմանը կնպաստի նաև բարձրագույն ուսումնական հաստատություններում հանրային պաշտպանության ինստիտուտի վերաբերյալ

իրազեկումը, որը կարող է իրականացվել պարբերական հանդիպումների միջոցով ուսումնական պրակտիկաների միջոցով: Նշված նպատակի իրականացումը կարող է նպաստել նաև հանրային պաշտպանի աշխատանքի վերաբերյալ հետաքրքրության ձևավորմանը, որը կբերի նոր որակյալ կադրերի ներգրավման:

Կադրային քաղաքականության զարգացման վրա կարևոր դեր ունի նաև հանրային պաշտպանությունում հանրային պաշտպան չհանդիսացող երիտասարդ փաստաբանների ներգրավումը, վերջիններս այդ ժամանակահատվածում զինվելով համապատասխան փորձառությամբ և գիտելիքներով արագ կարող են համալրել հանրային պաշտպանների թափուր հաստիքները՝ ապահովելով գրասենյակի շահառուների որակյալ և արդյունավետ իրավաբանական օգնության տրամադրումը:

Փաստաբաններին, փաստաբանական գրասենյակներին, իրավաբանական կլինիկաների ուսանողներին հանրային պաշտպանությունում հատկապես մարզերում ներգրավելու նպատակով նախատեսել խրախուսման միջոցներ:

5. Օրենսդրության և գործող ընթացակարգերի բարեփոխմանը միտված անհրաժեշտ նախագծերի մշակում և հանրային պաշտպանության ոլորտի խնդիրների բարձրաձայնում.

Հանրային պաշտպանության ոլորտում շարունակական բարեփոխումներ իրականացնելու նպատակով, հավքագրելով պրակտիկայում առաջացած խնդիրները, մշակել և գործընկերների միջոցով կամ այլ խողովակներով ներկայացնել օրենսդրական բարեփոխումների նախագծեր:

Համապատասխան հարթակներում Հանրային պաշտպանության խնդիրների բարձրաձայնումը կարող է դրսևորվել պետական և տեղական ինքակառավարման մարմինների և դրանց պաշտոնատար անձանց հանրային պաշտպանության ու հանրային պաշտպանի գրասենյակի գործունեության, ինչպես նաև գրասենյակի աշխատանքային ծանրաբեռնվածության մասին հրապարակային իրազեկմամբ:

6. Օտարերկրյա համանման կառույցների գործունեության, ընթացակարգերի ուսումնասիրություն և լավագույն փորձի ներդրում.

Օտարերկրյա համանման կառույցների հետ հանդիպումների, համագործակցության, սեմինար-քննարկումների շրջանակում ուսումնասիրել և փոխ առնել լավագույն փորձը:

7. Հանրային պաշտպանի գրասենյակի կայքի զարգացում.

Հանրային պաշտպանի գրասենյակի համացանցային կայքում և այլ սոցիալական հարթակներում տեղեկատվական բնույթի նյութերի հաճախակի հրապարակմամբ նպաստել հանրության շրջանում իրավագիտակցության զարգացմանը, ինչպես նաև հանրային պաշտպանության մասին իրազեկմանը: Համապատասխան համացանցային տիրույթներում կատարել հանրային պաշտպանների մասնակցությամբ գործերով դատական պրակտիկայի ներկայացում:

8. Կարիքների պարբերական գնահատում.

Հանրային պաշտպանության ընթացիկ խնդիրները և կարիքները բացահայտելու համար իրականացնել շարունակական ուսումնասիրություններ օգտագործելով մոնիթորինգային գործիքակազմ: Ուսումնասիրությունը կներառի ինչպես ներքին այնպես էլ արտաքին կարիքների բացահայտումը, որպիսի պայմաններում կարող է լրամշակվել նաև սույն ծրագրով արձանագրված ուղղությունները:

9. Տարեկան զեկույցների հրապարակում.

Հրապարակման առարկա դարձնել Հանրային պաշտպանի գրասենյակի տարեկան արդյունքները, ինչպես նաև հանրային հետաքրքրության առարկա հանդիսացող որևէ իրավունքի ճյուղի վերաբերյալ վերլուծությունները:

ԱՄՓՈՓՈՒՄ

2024-2025 թվականների երկամյա զարգացման ծրագրում տեղ գտած բոլոր դրույթներն իրատեսական են, իրագործելի, վերջնարդյունքները՝ չափելի: Նախատեսվող աշխատանքների համար կան արդեն ձևավորված ամուր հիմքեր:

**ՀԱՆՐԱՅԻՆ ՊԱՇՏՊԱՆՈՒԹՅԱՆ 2024-2025 ԹՎԱԿԱՆՆԵՐԻ ԶԱՐԳԱՑՄԱՆ ԾՐԱԳՐԻ ԿԱՏԱՐՄԱՆՆ ՈՒՂՂՎԱԾ
ՄԻՋՈՑԱՌՈՒՄՆԵՐԻ ԺԱՄԱՆԱԿԱՑՈՒՅՑ**

№	Միջոցառումներ	Նպատակ, ակնկալվող արդյունք	Կատարող(ներ)	Կատարման ժամկետ
1.	Գրասենյակի աշխատանքի արդյունավետության բարձրացում	<p>Հանրային պաշտպանության միջոցով անվճար իրավաբանական օգնության տրամադրման ընթացքում առավել սեղմ ժամկետներում անհրաժեշտ տեղեկատվության ստացում՝ պետական և տեղական ինքնակառավարման մարմինների, ինչպես նաև այլ կազմակերպությունների հետ էլեկտրոնային փաստաթղթաշրջանառության ծավալի ավելացման միջոցով: Հսկողության և վերահսկողության միասնական մեթոդաբանության մշակում՝ անհրաժեշտության դեպքում հաշվի առնելով նաև տվյալ մարզի կամ հանրային</p>	<p>« փաստաբանների պալատ, Հանրային պաշտպանի գրասենյակ, Պետական և տեղական ինքնակառավարման մարմիններ (համաձայնությամբ)</p>	Շարունակական

		<p>պաշտպանի գրասենյակի նստավայրի սպասարկման բնակավայրերի առանձնահատկությունները:</p> <p>Գրասենյակի նյութատեխնիկական միջոցների թարմացումը և զարգացումը:</p>		
2.	<p>Հանրային պաշտպանի գրասենյակի պահուստային ֆոնդում միջոցների ներգրավում</p>	<p>Միջազգային կամակերպությունների հետ համագործակցություն:</p> <p>Օրենքով չարգելված այլ միջոցներ</p>	<p>ՀՀ փաստաբանների պալատ, Հանրային պաշտպանի գրասենյակ</p>	Շարունակական
3.	<p>Մարզային նստավայրերի ավելացում և հասանելիության ապահովում</p>	<p>Հանրային պաշտպանության միջոցով անվճար իրավաբանական օգնության հասանելիության բարձրացում</p>	<p>ՀՀ փաստաբանների պալատ, Հանրային պաշտպանի գրասենյակ</p>	Շարունակական
4.	<p>Կադրային քաղաքականության կատարելագործմանն ուղղված միջոցառումներ</p>	<p>Հանրային պաշտպանության միջոցով քաղաքացիներին մատուցվող ծառայությունների որակի բարձրացում:</p> <p>Հանրային պաշտպանության ոլորտում (այդ թվում՝ հանրային պաշտպանի գրասենյակում) որակյալ և մրցունակ կադրերի ներգրավում (Հանրային պաշտպանությունում հանրային</p>	<p>ՀՀ փաստաբանների պալատ Հանրային պաշտպանի գրասենյակ</p>	Շարունակական

		պաշտպան չհանդիսացող անձանց ներգրավում):		
5.	Օրենսդրության և գործող ընթացակարգերի բարեփոխմանը միտված անհրաժեշտ նախագծերի կազմում և շրջանառում, հանրային պաշտպանության ոլորտի խնդիրների բարձրաձայնում	Հանրային պաշտպանության ոլորտում անհրաժեշտության շարունակական բարեփոխումների իրականացում՝ հաշվի առնելով պրակտիկայում առաջացած խնդիրները: Հասարակության, պետական և տեղական ինքակառավարման մարմինների և դրանց պաշտոնատար անձանց հանրային պաշտպանության և հանրային պաշտպանի գրասենյակի գործունեության, ինչպես նաև գրասենյակի աշխատանքային ծանրաբեռնվածության մասին իրազեկվածության բարձրացում	ՀՀ փաստաբանների պալատ, Հանրային պաշտպանի գրասենյակ	Շարունակական
6.	Օտարերկրյա համանման կառուցների գործունեության, ընթացակարգերի ուսումնասիրություն և լավագույն փորձի ներդրում	Հանրային պաշտպանության միջոցով անվճար իրավաբանական օգնության որակի բարձրացում՝	ՀՀ փաստաբանների պալատ, դոնոր կազմակերպություններ (համաձայնությամբ), դոնոր	Շարունակական

		<p>օտարերկյա լավագույն փորձի ներդրման միջոցով:</p> <p>Դոնոր կազմակերպությունների աջակցությամբ՝ այլ երկրների հանրային պաշտպանության գործընթացում ընդգրկված մարմինների հանրային պաշտպանների գործուղումների կազմակերպում (անհրաժեշտ միջոցների առկայության դեպքում)</p>	<p>կազմակերպություններ (համաձայնությամբ)</p>	
7.	<p>Հանրային պաշտպանի գրասենյակի կայքի զարգացում</p>	<p>Տեղեկատվական բնույթի նյութերի հրապարակում՝ հանրության շրջանում իրազեկվածության բարձրացման նպատակով:</p>	<p>ՀՀ փաստաբանների պալատ, հանրային պաշտպանի գրասենյակ</p>	<p>Շարունակական</p>
8.	<p>Ընթացիկ խնդիրների և կարիքների բացահայտման համար շարունակական ուսումնասիրություններ</p>	<p>մոնիթորինգային գործիքակազմի կիրառմամբ շարունակական ուսումնասիրությունը թույլ կտա բացահայտել հանրային պաշտպանության կարիքները, իսկ այն իր հերթին կարող է ապահովել սույն ծրագրով նախատեսված դրույթների կատարումն ապահովել ըստ</p>	<p>ՀՀ փաստաբանների պալատ, հանրային պաշտպանի գրասենյակ</p>	<p>Շարունակական</p>

		առաջնահերթության կամ/և հանգեցնել լրամշակման անհրաժեշտության:		
9.	Տարեկան զեկույցների հրապարակում	Տարեկան արդյունքների հրապարակում, հետաքրքրության առարկա հանդիսացող որևէ իրավունքի ճյուղի վերաբերյալ վերլուծություններ:	ՀՀ փաստաբանների պալատ, հանրային պաշտպանի գրասենյակ	Յուրաքանչյուր տարվա համար մինչև հաջորդող տարվա հունվարի 31-ը